

gegen dem Kopff der Schlangen/vnnd steht der kleiner vor dem grossen. Der Orion steht vberzwerch von dem Hafft Centauri getretten/haltet in der lincken Hand ein Kolben/die ander reckt er gegen dem Zeichē der Zwiling/Aber vnder jm steht der Hund/so dem Gestirn des Hasens Lepus genannt nachspüret. Vnder dem Zeichen des Widers vnd der Vische steht der Walfisch/auff desselbigē Grätten des Rückgrats steht das Zeichen beider Visch/mit einem vast dünnen Fedelin zusammen gebunden/von den Griechen Hermidone genannt/vñ wendet sich der Schlang durch ein grosse Krümmen/das sie die scharpffen strichlein auff dem Rückgrad des Walfischs reiche. Der Fluß Eridanus genannt/ist von vielen Sternen zusammen gesetzt/als ob er flüsse von Sternlein/hat sein ersten vrsprung beim lincken Fuß Orionis/Aber das Wasser so der Wasserman aufgiesset/das fleussset zwischen dem Schwantz Ceti oder Walfisch/vnd dem Haupt des Meridionalische Vische. Also haben wir die Bildnuß vnd Himlischen Zeichen vnd Gestirn/wie solche von der Natur geformiert vnnd geordnet seind erzelet/nach der Leer vnd meinung des Philosophen Democritis/aber doch allein desselbigē meldung gethon/deren Auffgang vnd Niedergang augenschinlich wargenommen vnnd gesehen werden mag/dann gleicher gestalt/wie die Sternen so vmb die Art des Septentrionalischen Polus stehnd/nicht vndergehd oder vnder das Erdrich kommen/gleicher gestalt mögen vns die Sternē vmb die Mittagliche Art geordnet auch nicht erscheinen/dann sie dem Septentrionalischen gerad entgegen gesetzt/nimmermehr herfür kommen in vnser gesicht/von wegē der tieffen neigung des Polus. Darumb wir auß ver hinderung der Erden/solcher Gestirn Bildtnuß nicht sehen mögen/bleiben vns auch derhalben vn bekant/des wir ein Exempel haben beim Sternen Canopi genannt/der in diesen Landen vn bekant ist/aber doch in andern orten gesehen wirt/so gegen Mittag gelegen/als vns warhafftig bericht haben die Kauffleut vnd Händler/die fern in Aegypten gar nahe zu ende der Welt ziehen vnd reisen. Also haben wir von der vn ableßlichen vmbwēlung der Himlischen Sphera der zwölff Himlischen Zeichen Septentrionalischen vnd Meridionalischen vn beweglichen Gestirn auff s aller fleissigst gehandelt / Dann auß solcher stätigen vmbwēlung der Sphera vmb die Kugel des Erdrichs vnd dem widerwertigen gegenlauff der Sonnen / durch die zwölff Zeichen vnd dem Schatten des Aequinoctial/werden die Analemmata zu gericht. Weiter magstu auß der Astrologey ire kressst/würckung vnd eygenschaftt erlernen/was die zwölff Zeichen Sonn vnnd Mon gegen den vermögen/darinnen wir der meynung der Chaldeer